

Қазақстан Республикасы Министрлер Кабинетінің 1994 жылғы 22 желтоқсандағы N 1447 қаулысына өзгертулер мен толықтырулар енгізу туралы

Күшін жойған

Қазақстан Республикасы Үкіметінің қаулысы 1996 жылғы 20 тамыз N 1029. Күші жойылды - ҚРҰ-нің 1998.12.01. N 1219 қаулысымен. ~P981219

Ауыл шаруашылығын қаржылық қолдаудың Мемлекеттік қорының функциясын нақтылау, оның қаражаттарын жұмсаудың ашықтық тетігі мен есептілік жүйесін құру мақсатында Қазақстан Республикасының Үкіметі қаулы е т е д і :

1. "Ауыл шаруашылығын қаржылық қолдаудың Мемлекеттік қорын құру туралы" Қазақстан Республикасы Министрлер Кабинетінің 1994 жылғы 22 желтоқсандағы N 1447 P941447_ қаулысына (Қазақстан Республикасының ПҰАЖ-ы, 1994 ж., N 48, 542-бап) мынадай өзгертулер мен толықтырулар е н г і з і л с і н :

3-тармақтағы "мемлекеттік ауыл шаруашылығы кәсіпорындарын жекешелендіруден" деген сөздер алынып тасталсын;
мынадай мазмұндағы 7-тармақпен толықтырылсын:

"7. Қазақстан Республикасының Ауыл шаруашылығы министрлігі ауыл шаруашылығын қаржылық қолдаудың Мемлекеттік қорымен бірлесіп бір ай мерзім ішінде Қазақстан Республикасының Қаржы министрлігінің келісімі бойынша Қордың шығындары мен берешектік жай-күйі туралы есептіліктің неғұрлым жетілдірілген нысанын жүргізсін";

көрсетілген қаулымен бекітілген Ауыл шаруашылығын қаржылық қолдаудың Мемлекеттік қоры туралы ережеде:

кіріспедегі "Қазақстан Республикасы Үкіметінің реформаларды тереңдету және экономикалық дағдарыстан шығу жөніндегі іс-қимыл бағдарламасына" деген сөздер "1996-1998 жылдарға арналған реформаларды тереңдету жөніндегі Қазақстан Республикасы Үкіметінің іс-қимыл жоспары" деген сөздермен а у ы с т ы р ы л с ы н ;

2-тармақ мынадай редакциямен берілсін:

"Қор өз қызметінде Қазақстан Республикасының заңдарын, Қазақстан Республикасы Президентінің жарлықтары мен өкімдерін, Қазақстан Республикасы Үкіметінің қаулыларын, сондай-ақ осы Ережені басшылыққа а л а д ы " ;

4 - т а р м а қ т а :

төртінші абзац мынадай редакциямен берілсін:

"Ауыл шаруашылығы тауар өндірушілердің орталықтандырылған және директивті кредиттер бойынша Қорға жатқызылған берешектеріне есеп жүргізу және олардың қайтарылуын қамтамасыз ету";

Бесінші - он бірінші абзацтар алынып тасталсын;
мынадай мазмұндағы тараумен толықтырылсын:

"1997 жылдан бастап мынадай бағыттарды:

Қазақстан Республикасының Ауыл шаруашылығы министрлігі әзірлеген басымдылықты технологиялар мен жобаларды игерудің негізінде ауыл шаруашылығының жекелеген салаларын дамытудың республикалық мақсатты бағдарламаларын конкурстық принциптерде;

ауыл шаруашылығы секторында жекешелендіру кезеңінде жүргізілген құрылымдық қайта құруларға қаржылық қолдау көрсетуді;

шаруа (фермерлік) қожалықтарын қоса есептегендегі шағын және орташа агробизнестің қалыптасуына қаржылық көмек көрсетуді;

мал тұқымын асылдандыру ісін, тұқым шаруашылығын дамыту, жануарларды мал дәрігерлік қорғау жөніндегі шараларға мемлекеттік қолдау көрсетуді қаржыландыру жүзеге асырылсын;

Қордың қаражаттары ауыл шаруашылығы өнімдерін өндіруді тікелей дотациялауға бағытталмайды";

5-тармақтың үшінші және төртінші абзацтары алынып тасталсын;

8-тармақтың екінші абзацындағы "Қазақстан Республикасының Экономика министрлігі мен қаржы министрлігінің аумақтық органдары" деген сөздер "Қазақстан Республикасының Ауыл шаруашылығы министрлігі" деген сөздермен ауыстырылсын;

10-тармақ мынадай редакциямен берілсін:

" Қ о р :

ауыл шаруашылығы тауар өндірушілерінің берешектік жай-күйін бақылауды жүзеге асыру, қарыздарды өндіріп алу жөніндегі тәртіпті айқындау және қолданылып жүрген заңдардың шеңберінде шаралар қолдану;

ауыл шаруашылығы тауар өндірушілерінен және олардың борышқорларынан қажетті ақпараттар мен есеп берулер алу;

ауыл шаруашылығы тауар өндірушілерінің қызметіне және қордан бөлінген қаражаттардың мақсатты пайдаланылуына аудиторлық тексерулер белгілеу құқықтарына ие болады";

11-тармақтағы "Қор бұл шараларды қаржыландыруды тоқтатады" деген сөздер "Қор осы әрекеттермен жол берілген зияндар жөнінде шаралар қолданады" деген сөздермен ауыстырылсын;

екінші абзац алынып тасталсын;

12-тармақта бірінші сөйлем мынадай редакциямен берілсін:

"Қордың қызметіне басшылықты құрамына Қазақстан Республикасы Қаржы министрлігінің екі өкілі, Қазақстан Республикасы Экономика министрлігінің, Ауыл шаруашылығы министрлігінің, Қазақстан Республикасы Мемлекеттік мүлікті басқару жөніндегі мемлекеттік комитетінің, Қазақстан Республикасы Ұлттық Банкінің, Қазагроөнеркәсіпбанкінің, "Қазагро" Қазақстан фермерлерінің ұлттық федерациясының, Қазақстанның Аграрлық одағының, Қазақстан Республикасы Ғылыми министрлігі - Ғылым академиясының бір-бірден өкілдері кіретін Республикалық ведомствоаралық кеңес жүзеге асырады";

екінші абзацтағы "Қазақстан Республикасының Министрлер Кабинеті" деген сөздер "Қазақстан Республикасының Үкіметі" деген сөздермен ауыстырылсын;

сегізінші абзацтағы "Қазақстан Республикасының Министрлер Кабинетіне" деген сөздер "Қазақстан Республикасының Үкіметіне" деген сөздермен ауыстырылсын;

2. Қазақстан Республикасының Ауыл шаруашылығы министрлігі, Қаржы министрлігі "Қазақстан Республикасының Азаматтық кодексін (жалпы бөлім) күшіне енгізу туралы" Қазақстан Республикасы Жоғарғы Кеңесінің 1994 жылғы 27 желтоқсандағы N 269 Р940269_ қаулысына сәйкес ауыл шаруашылығын қаржылық қолдаудың Мемлекеттік қорын Қазақстан Республикасының Азаматтық кодексінде (жалпы бөлім) көзделген ұйымдық-құқықтық нысанға қайта құруды қамтамасыз етсін.

Қазақстан Республикасының

Премьер-Министрі